

sterbe/ **H**ierumb firt man sy in im  
letsten alter vß der selbē insel vff ain  
ander land/ **E**ttlich haide haben ain  
sundrige manning gehebt vom para  
dis/ vnd siner gelegerschafft/ als plini  
us sagt an ain end/ da er redt vō dē  
glücks inseln/ von den auch ysidorus  
schribt im fünffzehenden büch/ vnder  
den ayne ist die gebirt dē mertail was  
güt ist/ dz ertrich gibt allerlay frucht  
on arbeit/ **D**ie born vff den bergen  
allweg grüment/ ir este mit früchten  
allweg beklaidt sind/ von krüter win  
reken/ vnd korne gnügsame narung  
**D**iss inseln haben ettlich poetē vñ hai  
den vff irtung/ das yrdisch paradis  
sin geacht/ von fruchtbare wegen des  
ertrichs/ aber sy haben geürt/ **D**wyle  
diss yetz gemelde Glücks inseln li  
gen/ gen der sunnen nidergang/ im  
wytmer/ vff die lینگten handt/ gen  
c ij